

唱道真言題詞

南極天宮青華上帝大悲大願至聖至仁含和保真溥恩宏化
監察萬國巡行九州弭災銷劫度人無量天尊無上道祖仙師
聖製

此經之作先言鍊心次言鍊命人能依此修持可以了明心地
堅固命根六賊不除而自除三尸不滅而自滅道成之日飛昇
上清億曾萬祖盡得生天子孫世世永爲仙家真莫大之法門
萬真之要路也如有不肖之徒罔知天命狎侮聖言將此經言
不加珍秘展閱不避婦人收藏不於淨室當有護法諸神錄其
罪過上告南北二斗星君畀以非殃死遭冥禍直待一人成道
道藏輯要

唱道真言
題詞

一

斗集五
××××

斗府有赦罪牒文方能超脫幽冥許放托生嗚呼慎之毋自陷
於匪德焉

此經之作雖爲鶴臞子一人實可以公諸人人使天下之士有
緣遇是經者於性修之則爲聖於命鍊之則爲仙子彼上達之
階弘我度人之願不亦快哉然得其人而不傳與不得其人而
妄傳均有天罰接受之際宜三思焉

傳經啟教貴得其時得其時矣又得其人然後發瓊笈之秘洩
至妙之蘊道有科禁不可不慎也務得立心正大制行端方之
士考其先世無有天噴及背棄君親世業不仁之術者方以此
經授之仍須叮囑囑誠令勿泛傳如其人果係大賢亦不必因

其先世而棄置勿取好法易聞上士難得此等人乃上士也若復有人先習不善至於中年能一旦悔過心誠向道者亦許其浣濯自新不得概行拒絕以體

太上慈悲度人之念於戲我言有盡我願無窮天覆地載之間何人不可學道何人不可修道人人有副性靈個個自具妙用登仙入聖夫復何難祇因宿生氣習昧却本來眼前幻境昏我正覺遂至認賊爲親迷真逐妄三途八難去而復來六道四生迴而又往以天門爲寥廓之鄉視地獄爲熟遊之地嗟乎如此豈不悲哉吾願天地眾生受此經者各發勇猛精進之心同登蓮花化生之果道岸非遙求仁卽得鸞輿麟輅刻日可期此丈

道藏輯要

唱道真言
題詞

二

斗集五
X 1 1 1

夫也予曰望之修道受此經者先得持齋守戒結壇淨室焚起十二種信香禮誦 摩利支天斗姥天尊寶號 北斗七真南斗文昌總理 天官斗府無數高真 洞天福地一切威靈傳經啟教歷代師真如是四十九日方許開經閱視不得赤身裸體及近污穢不潔之物是經所在有仙真下觀神光瑞氣氤氳滿室使人心地開通精神湧發稍有觸冒仙真不來恐外道邪魔乘機擾害不可不知平日間宜謹身節欲廣行善事遇斗降之辰鍵關習靜存運一心上朝紫府然後北斗爲子削落死名註上生籍身家俱泰災禍不生有所思維卽時解悟其於道也庶乎不甚相遠矣修真之士能於是經恭敬不懈至心受持

者吾當護念是人如保赤子常以神光灌其頂門使其智慧日生於此經文無有疑惑若在朝廷急流勇退若在家園子孫賢肖外侮不干若在山洞之中蛇蟲虎狼山魃木魅諸種妖獸屏跡遠遁不來侵擾若渡江河龍神俯首波浪不驚若在市廛募緣乞食使男女老幼一見是人咸生歡喜布施不倦一切水火刀兵之厄不能害之修持之際不使外道邪魔得乘其便吾與是人始終眷顧時刻護持直至道成之日是人神通廣大我願方畢釋典云如來不誑語者吾豈獨不然哉

道藏輯要

唱道真言
題詞

三

斗集五
一又又